


Lo faure



Lo fuòc es l'un dels quatre elements e fa somiar los òmes. D'una part, es el que te rescalfa, que remplaça lo solelh dins la negra nuèit e que caufa la sopa. De l'autra, es el que pòt tot cramar : natura, bèstias, pergamins e quitament la gent. Mai que los autres, un òme es en relacion amb lo fuòc qu'es son esplech de trabalh : lo faure, que li arriba tanben de faire lo mètge o l'arrancaire de dents. Sa farga es lo luòc ont se recampa lo monde del vilatge, ont s'arrèsta lo viatjaire per ferrar lo caval e, tanplan, Joan de l'Ors, per fargar sa cana de sèt quintals.

